



MOSTAR Pretresi u akciji SIPA-e i MUP-a HNK kodnog naziva 'Sunce'



Kamion koji su istražitelji zaplijenili

(Foto: M. Smajkić)

Istražitelji pronašli kamion pun ukradenih cigareta

Pripadnici SIPA-e uhapsili Anesa Kurbegovića, Šeherzadu Porić, Darka i Vjekoslava Slišku te Samira Serdarevića zbog sumnje da su počinili krivično djelo teška krađa

U združenoj policijskoj akciji kodnog naziva "Sunce" pripadnici Državne agencije za istrage i zaštitu (SIPA), u saradnji s pripadnicima MUP-a Hercegovačko-neretvanskog (HNK) i Livanjskog kantona (LK), jučer su u ranim jutarnjim satima na području Mostara uhapsili pet osoba, saopćeno je iz SIPA-e.

Više pljački

Kako saznajemo, među uhapšenima je i Anes Kurbe-

gović, optuženi u predmetu "Lutka", a, osim njega, privedeni su i Šeherzada Porić, Darko Sliško, Vjekoslav Sliško i Samir Serdarević zbog postojanja osnovna sumnje da su kao članovi zločinačke organizacije počinili više teških krađa.

Uhapšeni se sumnjiče da su izvršili više pljački na širem području Hercegovine.

Kako neslužbeno saznajemo, radi se o pljačkama "Sparkasse banke" u Mostaru te skladišta firme "Vision" u Tomislavgradu kada je ukra-

deno 3.000 originalnih naočala svjetski poznatih marki, a petorka je, navodno, uhapšena jučer ujutro nakon pljačke skladišta cigareta. Oni su nakon pljačke cigarete utovarili u kamion koji su istražitelji pronašli. Kamion s cigaretama je prebačen u krug PU Mostar radi neophodnih vještačenja.

Izvršen pretres

Neke od osoba koje su uhapšene u ovoj akciji tretirane su u okviru predmeta kodnog naziva "Lutka" i pod mjerama su Suda BiH, a određeni broj osumnjičenih je u bijegu.

Kako nam je kratko rekao dežurni kantonalni tužilac Kemal Maksumić, više informacija bit će poznato danas (utorak), nakon što policija dostavi izvještaj.

Senad Kreho, Kurbegovićev branilac, jučer nam je potvrdio da je obaviješten da



Kurbegović: Prilikom dolaska u Sud BiH

je njegov klijent uhapšen i zadržan.

Istražitelji su, također, pretresli objekte na više lokacija, s ciljem pronalazjenja i oduzimanja predmeta koji mogu poslužiti kao dokaz u daljnjem krivičnom postupku.

M. SMAJKIĆ – A. ALJIMI

Osumnjičeni saslušani

- Navedene aktivnosti provode se prema naredbama Kantonalnog suda u Mostaru i Kantonalnog tužilaštva HNK u koordinaciji s Tužilaštvom BiH. Uhapšene osobe privedene su u službene prostorije

MUP-a HNK u Mostaru, gdje će se nad njima izvršiti kriminalistička obrada, nakon čega će u zakonskom roku biti predate nadležnom tužilaštvu na daljnje postupanje - kaže se u saopćenju SIPA-e.